



59TH KBC ANNIVERSARY CELEBRATION at Head Office



Head Office
KBC College
Imphal



www.kbc.org.in



kbcinfo@kbc.org.in
web@kbc.org.in



16 March nikho a KBC Office mun a kilom tah a
Kum 59 ihinna nikho ana kimang in, President
Pu Rev. Dr. Hawingam Haokip in houlimna leh KBC Flag khaldohna anel e.

CONTENTS

THUMAKAI HO

1. Editorial/Pathen mingailut	1
2. Nithum le janthum /T. Seikhogin Haokip	4
3. Good Friday/Rev. Henjalen Dounge	7
4. Jesu Chungthu kitan/Rev. Henjalen Dounge	10
5. Jesu Jerusalem a alut/Rev. Kamboi Chongloi	12
6. Meithaite Nikho/Miss Lhingjanem Haokip	14
7. Cross Chunga keikhel in Jesu/Pastor Lunkholal Haokip	16
8. Emmaus kho jon/Pastor Lunkholal Haokip	17
9. Mission Column	21
10. Men Column	25
11. Women Column	26
12. Literature Column	27
13. Education Column	29
14. Report/Hetsah	30-34

EDITORIAL BOARD

Chairman	: Rev. Dr. Hawingam Haokip, President KBC
Editor	: Rev. Ngamjapao Haokip, General Secretary
Joint Editor	: Rev. Silas Jangminlen Haokip
Contributing Editors	: 1. Rev. Letpu Kipgen
	2. Rev. Henjalen Dounge
	3. Rev. Onthang Haokip
	4. Rev. Kaikhokam Chongloi
	5. Pastor Paokhohao Haokip
	6. Pastor Satminlen Khongsai
Cir. Manager	: Ms. Lhingjanem Haokip
Design & Layout	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



PATHEN MINGAILUT

Editorial

(Text. John.3:16)

Thumakai : Kum 2017, Lhatun (April) lha damsel'a ihung lut'u toh kilhonna Kuki Baptist Convention Events of Calendar dungjuja tulha Thupi chu "Pathen mi ngailut" ti chu ahin, hijeh chun Pathen mi ngailutna changtheija ium'uva, chule ami ngailut na thu'a ikihoulim thei ding jal un kipa aum in, hijeh chun Pathen hatchung nung chu thangvah leh vahchoijin um jing taken. Pathen mingailut na thu isei teng leh aloupi dan le agilji dan hi mihem kam'a seija seijou hoi ahilou dan ihe'uvun ahi. Anojia hin achom lamtah in Pathen mingailut na thu anakihou lim'u hiute. Text. John 3:16, "Aje chu Pathen in hibanga hi vannot angailut ahin, koi hijongle Ama tahsan chan chu mangthah louva tonsot hinkemlou aneitheina dingin Achapa changkhat chu apetan ahi." Hiche Bible chang hi Bible pumpi chabi (Key of the whole Bible) ahi tin scholar hon aseijun

ahi ti iheuve. Pathen in vannoi angailut iti teng leh lungthima akigeldoh masapen chu Achapa changkhat seh Jesu Christa vannoija ahung pen na nang le kei lhatdoh na dinga genthei tin cheng ahungthoh a achaina a Thingpel a ahung thi chu ahi.

1. *Pathen mi ngailut kiphon na lah a sei ding khat chu ahileh, "kiphal theng na or kipeh theng na ahi," (Sacrificial Love) hiche kipeh theng na or kiphal theng na chu, Pathen in athisem jouse mihema dinga a it peh khat cha um lou ahi. Hiche hojouse chungvum'a achapa changkhat seh I pakai Jesu jeng jong khanlouva vannoi mite huhdoh na dinga leisetna ahin sol lhah chu ahi. Hijeha chu ngailut chu ana toh a vetsah angaijin ahi. Hiche Pathen mi ngailutna suhbulhit na dinga chu Jesun leisetna alenlaija, "Pakai, Pakai eiti chan chu van gama lut ding ahipoi, koi hileh vanna um ka pa lung lam bolpa bou chu lut ding ahi," tin anaseijin ahi, (Matt.7:21). Hichun avetsah chu ngailutna chu anatoh in anung ajui ding ti ahi. Zacchaeus chu Pakai angunga ana kiphal theng in ahi, tichu imu'vin ahi, (Lk.19:1-10).*

2. *Anina a geldoh ding chu ahileh, "Thilpeh a ngailut ding" tihi ahi, (Giving Love). Thilpeh kitihi mihemtea dinga chu ngailut kihetna khat ahi, ajeh chu ingailut lou mi chu thil kimoh peh jilou ahi. Pathen chu ngailut John in ana minsah na ah chun ipiti anasei em, "Pathen chu ngailut ahi," atin ahi, (1.John.4:16b). Pathen mingailut kiphon*

na chu thilpeh or pehdoh ti ahin, hijeh a chu Achapa chu it chalou hel'a vannoiija ahin sol ahi. Pathen in aneisun achapa changkhat seh chu eipeutaovin, hichu ngailut chung nung thil peh ahi. Koiman Pathen i-mukhapou've, ahinlah ingailutnao kiphon na chu ithil peh'u hi ahi. Pathen mingailut na hephalou ho dinga chu Houbunga thilto thilpeh kiti chu engset,thangset chuleh thangthip na dimset lung gel anei ding ahi.

Achainan : Tukum 2017, palm Sunday, Good Friday, leh Easter Sunday Ocassion ihung lhun ding u toh kilhon in lungthim, tahsa leh lhagao athah beh in kigot thah na neijui hi'utin, eima tahsa jeng jong Christa Jesu eihuhhing pau'a dingin pe'u tin, tunia eihon Pathen mingailut jal'a Jesu Christa thisan na lhatdam changten, Hopsom, Maicham leh Vaicha genthei kithopina a ipeh ding ho'u khu it-cha louhel'a ipeh ding u ahi. Ajeh chu Pathen mingailut na chu Sacrificial love ahin, chule Giving love ahi tihi isuhmil lou diu ahi,sopite ho. Rome,12:1, a "longlhen thengtah gan kihing lhaa bangin Pathen lahthei dol tah-in Pathen nah kipeuvin", kiti banga ei-ngailu pau Pathen, eiho lhatdoh na dinga ahinna pumpi tohdoh pa Jesu Christa a dingin tahsa leh lhagao vin chule i-hin nao pumpin ngailu'u hiute tia chomcha ikihou lim nao, athuneipan ibon chaova dingin phat thei iboh peh tao hen, Amen.

NITHUM LE JANTHUM



By: T. Seikhogin Haokip
M. Th-1 (New Testament)
Aizawl Theological College

Thu makai

Good Friday le Ester Sunday ahung lhun teng le mi tampi ena boina pen jiu chu Pakai Jesu lhanna a um sung hi nithum le janthum ahi aki tin ahin eti kasim sim vangin a lhing mong mong poi ti hi ahi. Hiche Pakai Jesu lhanna nithum le janthum a cham ding hi Pakai Jesu ama tah in jong ana seido sa ahi in nithum le janthum vang chu

ana cham tei ding ahi ti chu ginchat ahi. Ajuh chu Mathew 12:40 na ah chun Pakai Jesun hitin ana seiye "Ijeh-inem itile Jonah nithum janthum ngalen gil sunga a umin, hibang a chu hibang a chu mi-hem chapa jong leigila nithum janthum umding ahi (eimi Bible alim um lou pa). Ahin mun dang a Pakai Jesun athiding le athokit ding ase na ho ah chun "nithum jou leh" or " Nithum nil eh" ti bou amin phah in Jan thum pa hi amin phah jipon ahi (Mark 8:31; Mat-

thew 16:21; Luke 9:22). Ahin Pakai Jesu hi Friday nia athi a Sunday ni jingkah matah a thodoh ahi leh, eti kisim henlang epi theory kimang jong le Nithum le Janthum vang lhing thei lou mong mong ahi. Ahin chung a kahin sei banga janthum lang e

sim louva " Nithum ni leh" ti pa joh hi hung dih thei din mun in a um in ahi. Hiche chungah hin ngaidan ni a um in khat khat in ana veu hite.

Ngaidan Khatna : Juda te nikho simdan hi eiho a to aki khehna aum in ahi. Ama ho nikho sim-

dan hi ahi leh nilhah nilhum lhum ma hi nikho kichai ya, nikho thah kisim pan ahi. Alhangpin eiho phatsim dungjui in 6 p.m. hi hung kitoh pen in te. Achuti le nikho khat chu 6 p.m. to 6 p.m. sung hi ahi e. Hiche ngaidan dung jui ya hi Pakai Jesu lhanna na a cham sung hi esut ding a ahi leh thursaday nilhah 6.p.m a pat e hin simpan a Sunday nilhah 6.p.m. chan esim le nithum le janthum aki tohchet in ahi. Thursday 6.p.m. to Friday 6.p.m. = Jankhat le Sunkhat, Friday 6.p.m. to Saturday 6 p.m. = sunkhat le jankhat, Saturday 6 p.m to Sunday 6 p.m. = sunkhat le jankhat, abonna akigop le Janthum le sunthum ahi. Ahin hi chea hi Thursday jan le Sunday sun hi simtha thei ahi pon aki lahdoh leh, Janni le Sun ni bou alhing jou in ahi. Hiche Ngaidan pa hin "On third day" nithum ni le thoukit ding ahi tipa vang ding in ahi thei in ahin nithum le janthum a ding in vang ahi thei pon ahi.

Ngaidan Nina : Mark gospel le Luke gospel in Pakai Jesu thini hi kigin ni ahi tin record abol Ihon in ahi hichu Friday ni hid-

ing doltah ahi (Mark 15:42, Luke 23:54). Ahin John gospel in ajih nah a hin kigin ni ahi atina banah ajing cholngah nikho chu nikho loup i ahi tin ase i tha in ahi (John 19:31). Hichea "nikho loup i" ati hi Greek pao a chun, "ga.r mega, lh h` h` me, ra evkei, nou tou/ sabba, to" sappao va ele doh leh " for that Sabbath is a great one" Hichea konna kimu doh chu ahi leh Hiche Pakai



Jesu thi jou va cholngah ni kimang pa hi angaiya Juda ten nisagi nia aman u chol ngah ni chu ahi poi ti ahi.

Juda te kut thusim ma kimu dung jui in hiche cholngah nikho loup i "High day" kiti nikho hi cholso lou changl-
hah kut (Feast of

unleaven bread) nikho kipat ni kisei na ahin hi chu Kalchuh Kut nikho jouchet a kimang pan ahi. Hichu ama ho lhasim dung jui ya Nissan 15 nikho seh le kimang pan ji ahin chu le Kalchuh Kut chu Nissan 14 ni le kimang ji ahi. Juda ten hiche tobang special Sabbath "high day" hi Nissan lha seh seh ahin nikho thum anei uvin ahi. Ama ho chu Kalchuh kut, Cholso lou changl-

hah kut, chule gamasa kut ahiu ve. Hiche ho lah a chu Chol solou changlhah kut kipat ni 15 Nissan bou a hi natoh kiphal lou ahi e. Hiche Nissan lha hi eiho tulai phatsim dung jui in March ahi lou le April to hung kitoh jin ahi. Chu le Matthew in ajih dan dungjui in Pakai Jesu thini ajing chu "kigot ni nung ni" tin ase kit in ahi. Achuti ahi leh Gospel li ho hin Pakai Jesu thini hi Cholngah nia dia kigot ni ahi ti hi kitoh tah in anom soh kei un ahi. Ahin hichea kimin phah cholngah ni hi angaiya kimang ji cholngah ni ahi poi tijong esei nom uvin, chule kigin ana hi lou di dan ahi.

Chule adang khat chu ahi leh Pakai Jesu thi tei ding ahi ti hi ahi. Ajeh chu hiche kithat kelngoi nou le mel a ana um ahin, thisan kinu nat na in akal chuh a thina lhut chu Pakai Jesu thisan jong tonsot thina konvetsah na ahin ahi.




hetbe ding a pha hi Kalchuh kut nia scholars ho ngaidan Kalchuh kut nia chu Jesu Christa lim hi che kelngoi nou ho Pakai vantil in louva aum bang a na soptheng um ho na a onthol ding dan Achuti a ahi le Pakai

Jesu chu kalchuh kut nia thi tei ding ahi. Ahi le tun ana veu hite, Pakai Jesu Jerusalem a loupitah alut ni chu 10 Nissan ahi, Kalchuh kut ni chu 14 Nissan ahi kit in ahi. Achuti le Palm Sunday a pat ani li nichu etih nikho lha em tie vet leh Thursday ni a chu in ahi. A chutia ahi le Pakai Jesu Cross a athini hi Friday ni hilou in Thursday ni joh ahi ti hi che theory a konna mudoh ahi. Thursday ni a thi ahi le boi boi um loubeh a, Pakai Jesu lhan a acham sung chu Jews te nikho sim dungjui ya esima ahi le nithum le janthum lhing sel in ahi.

Hiche chungchang a nikho poi mo chu

- 1) Palm Sunday= 10 Nissan.
- 2) Kalchuh kut + Jesu thi nikho = 14 Nissan (Thursday)
- 3) Ester Sunday = 17 Nissan (Sunday)



Ipi jeh a Pakai Jesu chu Thingpela hung thi ham?

Rev. Silas Boipu

Jesu chu ipi dinga Cross a hung thi ham? Ipi jeh pena Juda phung gui ja hung peng Jesu chu Judate kitha na dan hilou beh Thingpel a hung thi ahidem? Ipi dinga Judate kithana dan songa kispel lih lou ham? Ipi dinga molla kijep lih lou ham? ahilouleh ipi dinga alol kitan lou ham?

Thingpela akikhetbeh hi Pathen in ana tepsa/anagonsa themgao ho kama Thulhun luija anasei doh masah sa anahi jeh ahi. Athat hon ageldoh lou u Pathen toh gon anahi peh ahi.

Numbers bung 21 sung isim leh Pathen in amite Egypt gama asohchan naova kon ahin pui doh thilsoh imu uve. Adang chahun donding tui apen, agil kelun vana kon changlhah apen, alamjot-nao kengchot jeng jong Canaan gam alhun kah seovin asepon ahi. Ahin Amite chu aphun chelun alamkai pao Mose chung a alung lhai tapouvvin, Pathen anasong jou pouvin ahi.

Hichun Pathen in Gulse ahin lan sah in mihem tampi achulih tan tampi gulchuh natthoh lal in thi kal ngah in aumtao ve. Hichun Pathen in Moses thu apen sumeng in Gullim khat asem sah in, thing chung a atah doh din thu apen, hiche gullim kidom sang chu ve a damna gul lim ahi tia tahsan jousen hin na nanei diu ahi tin asap-phong sah in avejousen hinna anei taovin ahi.

Hiche gul lim kidom sanghi Pa Pathen in achapa Jesu mihemte

Ihatdoh nadia thingpela akikhai sanga ahung thiding vetsah nale hiche thina chun mihemte chonsetna a kon alhat doh ding vetsah na a Mose anabol sah ahi. (John 3:14-15)

Bible a Jesu thing pel a ahung thiding vetsah na anaum kit nachu Isaiah 53:5 ahi. Themgao pan aseina achun Messiah chu anah tenga kidot ding ahi anatin ahi.

Leng David chun Messiah chu michonse hon akhut le akeng thing kil a akil diu ahi atikit in ahi. (Ps.22:14)

Psalms 22 hin asehi thing pel a kikhet beh thu ahin, ahin Leng David khang lai ja chu hitabang thingpela kikhet beh kiti hi leiset chungana ana um lou lai ahi. Pathen in gaova amusah a Leng David hin anahet thei ja anasei doh ahi.

Ipi jeh a Pathen in achapa Jesu Christa thina dinga Thing pel alhen ham tihi ihethem jou poi, hijong leh hiche hi sot a Pathen in analhen sa ahina akilang in kitha na lah a kitha na melse pen le hahsa pen ahi. Mihem ten Pathen mingailut na ahedoh thei tei nadeo va hitabang thingleh a kikhaisanga kithana Cross a muthei thil phabep aume

1. Mihem gitlouna: C r o s s

phunga hin mihem gitlou nale lungtah na asang pen muthei jin aume. Themmona neilou ahi tihi Governor Pilat in aphon doh sa ahi. Ahin thisan naisan a dim sa Nazareth Jesu chu Ling lukhuh akhuh peh un thing pel chung a chun akhen beh un ahi. Pathen lekha buthengin mihem lungthim sung hi gitlou na a dim ahi ati chu adih lhez jenge.

Mitam tah in tunin mihem te akikhang tou tan tuphat hin Jesu hung le hoisellin kilem tan te atijiue.

Tuni incheh uva simlouva ikoi u bible ahin Jesu ahunge, kaina louva ikoiu houina Jesu ahunge, gilkel dangchah a kithopina ngai mikhat lim chun Jesu ahunge. Jesu ilam tou hinam tunia? Gelthei khat chu Jesu hi tunin muthei tah in hung jong le imachom kihideh ponte. Ajehchu chonsetna lung in phat na agel-nom poi.

2. Pathen in ichan a chonset athet ham ti cross phung a akimui.

Eekiel 18:20 Koihile achonse a chu thitei ding ahi. Rom.6:23 Chonset man chu thina ahi.

Chonset na chung chang a Pathen lung put ipiham ti het na ding chu Ipi jeh a Jesu Christa chu hung thi ham ti hetna ngai

ahi. Pathen thutheng in Thisan so louvin chonset kingai dam na aumpoi (Heb.9:22) Hiche a muthei chu Cross a Christa thina tilou chonset man kipeh doh na aumpoi ti ahi.

Pathen in chonset hi donlou va akoi lou beh ding ahi. Aman themmo achan ding chonset man alah ding ahi. Athen nale adih nan chonset ga thina chu achonsete achan sah teiding ahi. Hiche chonset man thina chu Pathen in Achapa thisan a apeh a tonsot hinna eipeh u ahi.

3. Cross phunga Pathen milungset kidang muthei in aume.

Rom.5:6-8 "Eiho ihat mo laijun aphot chan Christa eiho dingin ahung thin ahi..." eiho ichon set jing lai un Christ eiho khel in ahung thin ahi.

Hiche ahin Pathen mingailut na eiho jouse dinga hung kiphong doh chu Cross natoh nahin suh bukip in ahung um tan ahi. Hiche ngaidam na hi ichan diu va kilom hilou Pathen thil moh peh ngaidam na cross thil bol thei na vanga hung kisubukip chu ahi.

4. Cross chung a gal jona imu vin ahi.

Mihem te hi khat vei veileh Satan

in anajou jin ahi. Ama thangkol a eihen jiu vin aman amalung dei bol din eimang chajiu vin ahi. Cross thahat nahin eiho Satan thangkol a ikiye na va kon chamlen na eipeh u ahi.

Hiche cross chung a hi eiho mi-lui chu kikhen beh ahitai. (Rom 6:6) Chonsetna in eiho chung a tha anei tah lou ding ahi (Rom 6:14)

Christian jouse hi lheapna toh kidel ihiuve. Satan in neipap kiloset, kiletsah hoitho, huh le jonthanhoi, amachang kingailut ti ho amang chan ahi. Ahin cross thanei nachu hitabang lheapna ho jouse jona thahat chu ahi.

Cross hi eiho chamna le kinepna keo hilou vin tonsot hinna jong ahi. Cross thiltup chu mihemkhat achonset na ngidam na ding keo hilouvin Pathen to kivop khomna ding a hinkho kikhel na jong apeh ahi. Hijeh a chu Paul in kum 2000 masanga Christa thi thu bou kasei u ahi anati ahi. Vannoi pumpi hin hiche message hi angaichat ahi. Hiche hi kinepna chamnale lungmonna thuguh ahi. Cross hi vannoi leiset miten "ngolna" atin ahin Pathen in vang hiche hi chihna ati. Nanginla ipi ahi nati em?

Jesu chung thu kitan



REV. SILAS JANGMINLEN HAOKIP

Jesu chungthu kitan hi dangup in aumin danthum a Juda ten amaho houto kisai jin achungthu atanun chule themmo achan un ahi. Danthum a Roman ten mihemkhat ngaina a kiheh na dan dungjui-jin thu atan un athem mo na amupou ve.

Amasa penin Jesu chu Thempu chung nung Annas koma achungthu tan din ahin kailut un ahi. Ajeh chu amahi Thempu chungnung masa anahi ahi. Chubanin Caiaphas masang le Sanhedren masang a achungthu anakhol un themo anachan nao lenpen chu Pathen chapa akihi sah e ti hi ahipenne.

Amahon Jesu chungthu atanu hi abolkhel kisu dih hen tia atanu ahipoi. Themo sah a tha tei tei ding ti joh anahi.

Amahon Jesu chungthu akhol naova dan apal keh hou chu:-

1. Kut laile koima cha chungthu kitan ngai lou ahi, ajeh chu Kut phat lai hi phat theng tah a analah u ahi.
2. Thupi tanna a mikhat chungthu akitan teng angaina a Sanhedren member jouse chun adei nale adeilou na vote abol ngai mong ahin Jesu chung a vang hi vote kila lou anahi.
3. Thading a thutanna aumkha ding le thu kitanlah masang

a jankhat beh khongei tei ngai ahi,ahin Jesu chung a vang hi jankhat hilou va pung kal khat le ni bou che man ahi.

4. Juda tehin mihem khat thannading thanei na anei lou u ahi.

5. Angaina a chu hitabang thutan na hi jana kitan ngai lou ahi.

6. Ngohna chang khat chu kiven na ding alang a pang ding khat anei ngai ahi.Jesu hiche chanvou chu kinei sah lou ahi.

7. Ngohna kineiho chu jumso na thucheng kisei khum thei lou ahi,Jesu vang chu Messiah nahim tia eltol na a kidong ahi.

Hiti hin Juda houlamkai hon Jesu chung thu atan naovahin chena lhongpi anajui tapouve.

Roman Government masanga Jesu thukitan chu Pilate anga akipan in ahi.(Jn.18:23) Pilate koma Jesu hung kikai lut chun amachunga kingoh na chu houthu hita lou vin politics langa joh ahinlut sah taovin ahi.

Jesu chung ngohna ho chu

Mipi Govt. douna a kiphin sahdin tohgon aneije, Govt.tax apeh nom poi,Leng kahi ati tin ngoh na asemun Pilate tildoh nadin anagong un ahi.Pilate in aheh na hou chu aven ahile



thina khop got nap-eh din kilom asapon Herod henga joh asoldoh in ahi.Herod in Jesu chu totnan aneijin agelto bang a ima thilkidang abol lou le athudoh adonbut lou jeh mai maija thajeng ding chu dih asapon amona mulou vin Pilate kom joh a ahin thot doh kit tan ahi.

Mipi lunghol nan Pilate in Jesu chu sepai ho hajep in ajep sah in athoh genthei na a mipi chu alung nao achim a alhadoh thei nading anabol e.Hinla mipin thingpel a khet beh tei ding atiphat un Pilate Hiche pa chungahin themmo na kanei poi tin akhut akiseil in adeibang uva Jesu chu abol diu vin thu apen,hiti hin mona neilou Jesu chu thingpel a khetbeh din apedoh in inpisunga kon ahin kaidoh taovin akikhet beh na ding thingpel kiput sah in ahung kitol doh taovin ahi.

JESU JERUSALEM'A ALUT

*Rev. Kaikam Chongloi
Secretary, Men Department, KBC.*

Mathew 21:9-15.

Hiche Bible chang hi mi tamtah in hatah'a ihet jingu khat chu ahi in chutoh Ihon chun Jews te a dia Kut Loupi tah khat phat lai ahijeh in Rome vaipohna noiya gamdang tamtah jong ahung pangin ahi.

Palm Sunday akiti leh abailam penna hetjeng ding nga chu Jesu Christa loupi tah a Jerusalem'a alut thu hi ahie. Chule akholjinna achaina jong hung hita din ginchat ahi. Hiche thilsoh hi Cross a akikhetbeh masang ni (5) nga ni hidin ginchat ahie. Palm hi Jews ten galjona Symbol khatna aman'uva, Galjona ahilou leh kipani teng akhaidoh jio ahie. Chule Palm in avetsah chu ahileh Jesun chonset gal ajo ding hi ahie. Jesu Jerusalem ma alut chun mipi amasang lam a che chengse le anungjui chengse chun Hosana! David Chapa Pakai minna hungpa chu Anun nome, atiovin ahi. Hosana kiti thucheng hi Hebrew paova konna hung kiladoh ahi in, hichun "Save now" tun neihuh hing uvin tina ahi.

Ajeh chu Israel te ho din a Pathennu ahin suhmilji tenguleh Pathennin gotna apeh jia nam dang ho khutna genthei tah a asoh chansah jiu ahi, hiche phat laiya hi Roman Empire noiya um ahiuvin, mi dan noiya soh le sol la um ahijeh uvin, alhat doh dio angaichat'u ahi. Achonset naova konna akisih'uva Pakai kom'a atao tenguleh Pathenin ahuhdoh jio ahi. Hiche phat lai hi Jews te dinga (passover) Kalchuh kut toh ana kitoh ahie.

Zechariah Themgao hin Hag-gai phat kichai phat chomkhat jouvin Themgao thusei apantan ahi, aman gaova thilmu amu leh thuphon doh amu chu apipenin Christa chungchang ahie. Hilai changin aseina chu ivet leh Alexander (Issur) gal kichaija ahung kile toh chun akilouvin ahie (Zech.9:1-6). Ahinlah ameaning chu ivet leh ahunglung lou lai kiseina ahie. Zech. 9:8. Alesander in Jerusalem chu asugenthei lleh jenge, ahin lah hiche hin Jesu Christa aseina hinte John 12:16. Jesu choiat'a aumdoh phat chun hiche thu chu ama thudol'a kisunsa ahi ahedoh taove.

(a) Mipi ho Umchan:

Jesu Sangan nou chungsa atouva Jerusalem lam ahin jot chun mipi lah a atamjon lam dunga aponnu aphauvin, adangsen Theoboh alhamun lam dunga aphauvin ahi. Chule mipi ho chun Lusuna kichoiin Hosana ! David chapa Pakai minna hungpa chu anun nom'e, chungnung penna Hosana ! atiuvin asam asamun ahi.

Sangan hi thilgih pohna gancha louchal tah ahije tin jong akihe'e, chule Sangan hin avetsah chu mihem ho louchalna hi avetsah in, ahinlah louchal lleh jonghen Pakai jin Sangan bang ngin eiman nom jinguve ti hi geljing uhite. Chule Hosana ! tia asap uhin tun neihuh hinguvn atina'u

ahi in amaho gella chun tahsa lamma mi khut noija aum naova konna chamlhatna anei dio hi angaichat mama'u ahijeh chun Pakai Jesu hin Rome mite khut noija konnin eihuh doh tei junte ti kinepna lentah aneiju hiding ahi. Ahinla Jesu chu Rome mite khut noija konna chamlhatna pedia hung ahipon, vannoi mite chonset soh a konna chamlhatna pedia hung joh ahi.

(b) Hou-in Asuhtheng:

Chuin Jesu Houin ah alut in Hou-in sunga thil johho le thil cho ho abonchan anodoh in, chule sumlheng ho dokhangle vakhu joh ho touna chu alekhup peh in ajah uva, ka in chu Taona in kiti ding ahi tin akisunne ahin nanghon gucha michom kikhuh in nasemtaove, ati. Thunei vaibol vaipo hon, Thempu hon Houin chu sumkol veinan ana mang taovin hichu Pakai Jesun ana suthengin ahi. Tulai in jong eiho tahsan ho Pathen chate hon jong Pathen lhagao theng chenna ilungsungu isuboh gam tauvin Pathen Lhagao chenna hoi iso tapouve. Hijeh chun kisuthengu hitin, hung aw Pakai kalungsunga nang hung chengin tin koulutnu hite.

Sangan bangnga Pakai manchah ahitheina diuvn, ilungsungu sutheng jing uhitin, Pakai komma tao jinguhite.

'MEITHAI TE HINKHO'

Lhingjanem Haokip
Secretary, Women Dept,

Amasa penin koi hohi Meithai kitiu ham ? ti chomchan veo hite. Meithai akiti tengle alhangpia ihet u chu ajipa umtalou hohi ahieve. Mitheng Paul in vang Timothy kom'a aseina a chun Meithai kicheh tah ho chu jabol in ana tin ahi. (1 Tim 5:2) Meithai kicheh tah atile aji umlou jouse vang hilou dingin ginchat aume. Hiche a Meithai kicheh tah jabol dinga lom ho ati ho hi achanga uma Pathen bouseh a kinem a sunle jan'a thum nale taona a beh jing ho bou chu aseina ahi.

Ahoi hijongle tunia iseinom pen u chu Meithai hinkho chu ahahsat ding dan seilouva hetsa ahijenge. Ajeh chu huipi gopi kinon laitah a kiselna ding le bel ding neilou tabang ahitaove. Avet na jouseu kisonlel na a dim jengu, alungdon na seina dingle ahahsat nao lhut na dingpen neitalou hinkho chu ahieve. Pi Niangpi Singson in Meithai te hi kane ahivu, engset na a dim min thil thah khat anei jongle akinei jou tah lou jeh in aki otchan aki engset pilheh e anati ji in ahi. Inchen khosah lam a vang kibang lou maithei u ahi. Abang khat chu ain neipu damlaija inchen khosah bulhingsa adalhah loi jong umding ahin, abangkhat vang chu lung hesoh na chungah neh le chah sille chen neilou toh, alunggim nao kibelap peh tam tah umdingin tahsan aume. Hinlah Pathen thun 'Chaga pabeite mipa, Meithai ho vengtup a pang chu Pathen ahin, achen na munthenga acheng jinge' ati. (Ps 68:5), 'Pak-aijin khopem ho aching jingin, Meithai hole chagate ho akhohsah e' (Ps 146:9) Pathenin Meithai ho angailut nale akhohsah na Bible mun tamtah a akimun ahi. Sidon gam'a Zeriphath kho a Meithainu chu hiche lai phat le hiche mun a chun mihem tamtah um jongle amanu chu geldoh in aume ti akimun ahi. Pakai Pathenin Elijah kom'a asei chun Sidon gam'a Zeriphath kho a chenlang gachengtang ken hiche mun a chu nangma vah ding mikhat kakoije atipeh in, Meithai nun changbong themkhat le thaotui themkhat anei chu kan a achapa toh nehding chujou tengle kithi tante tia lung angaito laitah hin Pathen mipa Elijah ahenga ahungin don ding tui athumin Meithai nu chu tui la a achelai tah chun Pathen mipan jong nehding changlhah lhon khat

jong athum betan ahi. Hiche pet tah a Meithainu lunggel hahsat dingdan chu mihem hina a igel leh kigel lhah hahsa lheh inte. Hinlah Elijah'n athum bang bangin ahin-choipeh tan ahileh, Meithai nu le achapa a dingin changbong in jong beitiit neitalou, thaotui in jong kantih neita louvin Pathen haosat nan kihinso na ahinpe lhontai. (I Kings 17: 8-16)

Hibang chun Jesu neipum a Meithai hiho a dingin imacha lung olmo ding le kichat na ding aumpoi. Amavang Pathen jong nahsah lou, anop nop a hinkho mangho dingin vang Meithai hinkho chu chatvai nale minset na chu a angjanga akilo ding mong ahi. Jesu neite a dingin vang leiset a lung gentheina le puldou lhilon na um jongle Pakai thahat nan hi ho jouse chu thoh galkai na apeh ding ahi ti kinem lel poute. Pathen in Meithai ho agelkhoh in akhohsah jinge ti sumil lou jenin. Meithai kiti hi nop man a chan dingle noplou man a chan lou ding tina aumpoi. Mihem khat chun achunga thil lhung jouse hi Pathen program a hi tia akilah thei lou leh ahahsa ding mong ahi. Tulai in mi tamtah Jesu nei louvin insunga aginpen apasal thinungle Meithai hinkho manga atahsa jeng jong sumle pai hol na a mang ngapcha a ajona le jendam thei lou nat na poa thiding ngah a hinkho mang jong umdalou ahi. Tuni hin igam

sunga Meithai apung cheh cheh tan, ajeh chu gal le tol a thi ho, lou le aija thi ho chule damlou jeh a ho jeh hin nitin in Meithai hi akibelap jingin vangset aumlheh e.

Gah het thei dingin tu tujong hin KBC sunga 2016 statistic dungjui-jin Meithai 1,285 alhing tan ahi. KBC Nuten Meithai ho khankho ding gel khoh nan KBC Assembly a Kumseh a nikho khat hi Meithai te dinga tao nale thilpeh nikhoa Calendar a eikoipeh theina diuvinngeh ana kineijin, Assembly in phatsah pehna eina nei jeh un kumseh le Meithai tea dinga taona le thil peh nikho hi phat sottah pi ahung kiche pitan, 1991 October lha in Meithai te Camp masapen chu C/C Chassad mun'a Gambih No.18,19,20 tua umtalou Phunchong Gambih, Chassad gambih chule Maokot Gambih kigomin ana kibol peh un Meithai te kipa na sangtah akimu jeh in ahung kiche jomin, Area wise a jong vel thum lang ahung kibol tan, Convention level in jong nivei akibol peh taovin, Pathenin itao nahou asangin Meithai hinkho chekel ding tamtah semdoh theijin ahung umtan Pathen thangvah aumin. Chuti ahijeh chun Meithai te hinkho lungset umtah gelkhoh nan natao nale nathilpeh na ho Pathenin ahejinge. Pathenin asim jouse phat thei boh taken. Kakipah e.

CROSS CHUNGA KAKHEL IN JESU

Pastor Lunkholal
KBC Gambih-5

***“..hiti chun Pakaiyin eiho themmona abonchan
ama chungu alhut tai.” Is. 53:6***

**Cross chungu hin, Pathen in agon, kilhehtona thupi
tah chu analhung in ahi. Michonseho chanding gotna
ho jouse Jesu chungu achutan; Jesu chanding dol thil
pahoh, michonseho achan theina din kot akihong tan
ahi.**

KIKHELTONA HILCHENNA

Kikheltona (Substitution) daudah a hetthem nadin Football golseh
toh vetkahna neokhat nei uhite. Football kichepna a team khatna
mi 11 alutmasa jin, aboi dungjui in coach pan kikheltona ahin gong
ji e. Vetsahnan; Jersey No. 10 pa akisukhan achol lheh tai, coach
pan ama kheldin No. 9 pa ahin sol lutne. Akikhel hon a kipat mitoh
kinehtona, luhuna, thacholna, kisukkhahna le Refree akona pho-
salna abona mikhelna (No. 9) pan athoh ding ahitan, No. 10 pan
imacha athoh tahlou ding ahi. Ama chan ding chu : Touna nomtah
a kicholdo ding, Ulthehpon nemchetna kitheh ngim ding, neh le
don atui tui donding, golngai cheng le lamkai hon ngailutna neitah
a alem uva angongkoi diu tiho ahi.

Hichetobang chun, Jesun cross chungu michonsete khel in
athohtan, hijeh achu eihon ithoh tahlou hel diu ahi. Ama a um no-
pna ho joh ichan diu ahitai.

CROSS CHUNGA JESUN KILHEHTONA EIBOLPEH U PHABEP

1. Ngaidam ichan nadiuvun Jesu chungu Gotna alhunge. (Is. 53:6)
2. Akijepna maha chengsen Eidamsah tauve. (Is. 53:5 ; I Pet 2:24)

3. Pathen Chonphatna ichan theina diuvin Aman Chonsetna ak-
ipoh tai. (Is. 53:10 ; II Cor. 5:21)
4. Eiho Thina a ahung thin ama Hinna eipeuve. (Is.53:12 ; Rom
6:23)
5. Ama Haona ichan thei nadiuvin eiho Vaichatna athoh e. (II Cor.
8:9)
6. Loupina ichan nadiuvin eiho chan ding Jum le ja athoh e.
(Heb. 12:2 , 2:10)
7. Pa anga Sanlut ihi nadiuvin Pan chapa Anol in ahi. (Mt. 27:46 ;
Eph. 1: 5,6)
8. Phattheiboh ichan nadiuvin Gaosapna achange. (Gal. 3:13-14)

KIKHELTONA AKONA TAHSAN CHATE DINMUN

Cross a kikhai ding chu kei kahi; Kakhel in Jesu ana thitai. Jesun
kathoh ding sih athoh tah jeh in tun ken thoh talou hel ding. Ama a
um loupina ho keiya ahitai, Jesu jalin anunnom kahitai.

Easter Sunday Message

Emmaus kho jon

Rev. Lamkeng Lhouvum

“Chuin achena ding khokom ageijun ama
akal’a chepai chapai ding bang akaisai,
Chuin amanin alho Ihonin “Keini toh um-
nau hite ni asajo achetan, nilhah kon jong
ahitai” ati lhone chuin ama amani toh um-
dingin aluttan ahi” *LK 24:28-29*

Thumakai

Emus lampia a cheteni leichung hinkhoa lampi kholjindan ei-
musah un ahi. Pakai Jesu leija alenlaijin Thil kidang abol atamjo hi
lampia abollin ahi. Michu akoukhomim ti hilouvin lampia achepet-
nin abollin ahi. Lampia achelaijin Elbai ho, Mitcho ho, mipah ho
ahunglhai jiuvin Pakaijin adamsah jie.

E.Standly John in “ Christ on the Indian Road ” Jesu Christa In-

dia te lampia na ti anasunin ahi. Eihogam'a hi lampi dunga miho thiltamtah abollun ahi. Mikang te gam ho a lampi dung 'a juntha, mikisil ahiloul-eh chapang kitolchem kimulou ahi. Nu Nengpi (Dr. Ruth) Singson in athuseina a America kache leh lampia mikamupon Car bou ka mui ati. Ahin India gam'a chun lampia kisil chajoh mitampi munkhatna ding ho leh thiltampi ho kimu, Uichaho, Loiho chuleh Bong ho jong akimu theijin ahi. Mikangten India gamhi Democrecy gamho lah'a a hoima ma in ahi. Ijeh iham itileh Bong hon jong Lamlen laitah'a ihmutna ding phalna jong amuvun ahi. Gari honsahle Lhanga pel le leahi atiuve.

A lamdang khat chu lampia thiltampi kibol ahi. Emaus khojon golchateni din lungthim'a ipi umhitam? Amani lungthim'a chun Jesu nungjui ho chu achom in umtadi leh Pathen in Isreal te dia alhen Messiah chu along aumtapoi athoudohtai ti ho akijan ahileh lung mongmotah in lam ajot lhon chu akimun ahi.

1. Amani le Jesu lampi jotkhom ahiuve: Amani lung himotah'a aumlai lhontah in Jesun alhonkhompi lhonin ahi. Tuni leiset

hinkho hi kholjin mi ihiuvun ahi. Kholjin michun cheding bou kigel umdending kigellou ahi. Pathen natong dia kipedoh hon akholjin naova akholjin pum pumin atohding agel gel jiuve.

Tuni nakholjina Pakai toh lhonkhom nahi hinam? Tunin einam mite jong vannoi leiset gamchom chom'a kithechek itamtaovin ahi. Nikhat leh ipao, ichona (Culture) ho kiman sah maithei ahi. Ahin mansah lou ding Thillentah khat ineijun ahi. Hichu "Pathen Mansah" lou ding ahi. Ipao ho, ichon naho imansah khah tah jong leh Pathen vang mansah louding ahi. Tunia munchom chom'a ichen naova thil dang dang mang jong leh I Pathen mansah louva na umleh nalamjot jang ding ahi. Hinlah tua keiman lam ka-jotna a ju haikhat toh chekhom jing leh kilel ma ma jeng ding ahi. Pathen in neilegou eipeh u ahin Pathen tohlhonkhom ding ahi. Gari tampi ineijuleh ipi tiding hitam? Mi konkhat gamdang alhun tengleh alhungmasa alhungnununng (Seniority) a kive a kinoiseto jong kiumdalou ahi. Saktiman na chungatou hon front seat a touhon anunglam'a akong'a touhoanoise kitnalaijiu ahi. Pathen in ipdinga company len len hoei-

neisah louvu ahidem ti igel ajoleh Pathen isuhmilkhah diu ham ti jong gellouthei ahipoi. Pathen toh thil kaneikhomding, Jesu toh lam kajotkhom diu ahi tithei te mivang pha hidiuahi. A mani hin Jesu toh lhonkhom ahilhon ahethlon lou jeh in alung gim lhonin ahi.

Jesu chu amunalhon dinga kim ahi. Jesu toh nalhon khomhinam? Kitileh nahet ding hinam? Nangin nahet louvanga aman nahet ahi. Pathen chu nangman nahet louvanga chu nangkom'aumlou ahi tina ahipoi. Thilpha tampi nanei jing laija Pathen toh lhonkhom umkhom ihaimil khahdiu tijat umtah ahi.

2. Thuguh kihoulim Lhon ahi:

Pakai Jesu'n thu ahilteng lampi dunga ahiljin ahi. Hichu anungjuiten record abolun ahi. Hichu Lhagao a kon'a amahon acham'a abollu hilouvin Lhagaothenga kon'a ahethnu ahi. Amani kihoulim ahivu. Mini mithum ikisuhto leh kihoulim ahijin ahi. Hichun Jesu chun hiche lampi nache nahona ipi thu nasei lhon ham? Keihon kajuipao Messiah chu kanumeiten athou kittai, along akimutapoi atin aseilhonin ahi. Jesun Mose khanglaiya patna a Ama chung chang kisei ho chu

ahilchen pantan ahin, ama akiphong dohpon ahi.

Amani chun thuguh chu ahethem thei lhonpon ahi. Tulai mitampi Bible simlou imacha jong helou akitamin ahi. Mikang te vang Bible chu abonchan avel vellun (cover to cover) asimun ahi. Hijeh chun Pathen thu tampi asundoh un ahi. Jesu'n thuguh ahetsah nom ahi. Psalm sunpan Pathen thu chu khoiju sanga lhumjo ahi ati. Ipinga khoiju sanga lhumjo ham? Ingailuthon lekha eihin thot chu avel vel'a kisim nom ji ahi. Pathen a dia it umle ngailut thei lou dinga ikigel maithei ahi. Ahin aman eiho hi Ama lim le mel'aeisema Alhagao eipeh jeh un, "Meikonga iumdiu nomlou, Meikonga kihal dingpen Ama lim leh mel" ahijeh in Pathen vang mihem te tonsot thina a alutding anompon ahi.

Pakai chu ama ngailute kom'a ama thusim aseipeh nomjin ahi. Pathen in Sodom leh Gomarah asuhmang ding konin Abraham aseipeh in ahi. (Gen.18:19-22). Tunia na Pakai thu nahet hinam? Pathen toh nakivop dan nahet hinam? Nupa camp ibol leh akingailu leh akingailu lou akihema ma chuleh Pathen ngailu lehngailu lou jong kihe ma ma jin ahi.

3.Amani toh umkhom:

Jesu chu chepai dingbang akisan ahi. Jesu chu Emus kho a chu gelou go hileh akilomin ahi. Nilhum dingkon ahitai. Hospital adamlou khat Pastor khat in avilna a adammo pakom'a " Sopi nahinkho hi nilhumkon vaichephat ahitai. Emus khojon teni Jesu toh aumkhom lhon banga nangma jong nahinkho hi nilhum kon ahitan Jesu toh umkhom inge natinom ham? tin adongin taona amansah jouvin , Jesutoh umkhom ding nanop hinam tia ado chun , aman jong henge atin ahi". Hitichu Hospital a kona apodoh un Jesu toh vang aumkhom nom jeh in Pakai chu Huhhingpu le lengpan akisanin amavang damlou sottah hinkho aman tah jeh in damdoh jou talouvin aleiset hinkho alhatan ahi.

Emaus kho jonteni chun Jesu chu alho lhonin ina chun alhungkhom taovin ahi. Dokhanga atoukhom taovin ahi. Jesun changlhah alan phatthei aboh in ahi. Pakai Jesu chu ina alhunsah lhonphat in Jesu chu in neipa in apangtan ahi. Jesu chu ina lhunsah leh na ngai chat ho napeh ding ahi. Jesu chu maljin hitalouvin insunga thunei penin ahung hitan ahi. An aneh joupchat in amaho anga chu ama chu amangtai. Jesu kom'a neh ding lhingsetna um ahi. Pakaiyin nangle kei jong Emus kho jona cheteni alhonkhompi banga eiho jong eilhon khompi ahi. An neh ding neilou ho an nehding apen, adangchah chan kahenga hungun atin ahi. Hiche vannoi leisetna lampi nom tampi aume. Hijongleh le Jesutoh lhon khom ho anun nom cheh un ahi.

Thuchaina

Leiset kholjin na gam'a koitoh kilhon khomihiuham sopite. Nangman nahet louvangin Pakai Jesun ikalsonao avelhi jingin ahi. Joseph lhonpi a chu Pakai amatah ahin, tunin ei ho jong eilhon khompi jin-gun ahi.

Mission Column

Mission board

gambih houbung vil chelhajing.

64th KBC General Assenmbly C/C New Lambulane a kinop to nadung jui jin 2016 sunga mission share hin pejou lou houbung ho vil lhah na ache jom jing in ahi. 12th Feb nichun Moreh Gambih no 15 sung agakivil in houbung lamkai hole houbung miten kipah tah in eina lem un kaikhom nale kihou limna akinei khom in tubana thanom tah a hin pe tading in phondoh na einei peh un achung uva kipa thu akisei je.

19-20th Feb nin Gambih no 1 sung vilna akinei kit in hiche a houbung ni tenin jong maban a peh ding tikeo hilou vin 2017 a dinga hinpe pan jong aumhon tan achung hona kipa thu akisei je.

26th Feb. nin Gambih no 4 vil na agakinei kit in houbung miten kipah tah in houin kaikhom pi nale kihoulim pina einei jun kipa aum lheh e, chule tuban teng peh ding tikeo hilou vin kum 2017 share atam jon ahin kipeh theng tao vin ahi. Apelou ho lah a list ana kibol ahija anape jong anaum khan office lama kon sukhel ahijallin ngaidam akithum in ahi. G.lhangjol kho hin anapeh ahija pelhing lou lai anahin Motjang vang anapeh lhing set u anahi joi. Office bolkhel ngaidam jouna aneinao akimu in achung uva seichim lou kipa thu aki seikit e.

4-5th March nikhon Gambih no 13 vil na akinei jin houbung mite toh kihoukhom na le pathen houkhomna akinei jin amahon jong atamjon kumthah share ahin peovin achung uve kipa thu sangtah akiphonge.

26th March nin Gambih no 8 vil na akinei jin hiche gambih in jong kipah tah in eina lamtouvin atamjon kumthah share ahin peovin achung uva kipa thu akisei je.

Kumsunga hi 2016 Mission share hinpe thei lou ho jouse jochana vilding ipi boina jeh a anapeh jou lou uham ti hetna maban a kihambol cheh a pesoh keidinga temna neidingle Pathen thua jochana mission natoh na a pan laikhom akhoh dan seiphonga kikal song jing ahin, chule hung jong kihung kalsong jing nalai ding ahin houbung lamkai hon ina het them cheh diuvin ikitem uve. Hitabang a hi houbung

jousen ipeh lou ule midang banga Foreign kithopi na neite ihi lou jehun I missionary hou le Evangelist ho hi pathen nato na a lhasam thei aheove ti sumil poute. Ilungtupu molsoa aum masang in tomngai tah in pangu hitin mission board tour hungkigong ding ho ana tosot cheh u hite tia temna jong kahin nei kit ahi. Pathen in KBC mission board chule houbung ho jouse phatthei boh jing ta hen.

Anugraha Gurkhali Baptist Church Leadership Seminar.

Achesa nissim 13-15 February sungchun Anugraha Gurkhali Baptist church a Leaders seminar khat anakibol in ahi. Hiche seminar a chun delegates 40 ahug lhing jou vin kipa aumlheh e. Resource person in Rev. Jeeten Gajmir Gurkhali Field Supervisor, Rev. Amar Rai, Chule Rev. Shanti kumar a pang un ahi. Hiche seminar hi denomination a kikhen lou ahin, Tuilanghom a cheng Gurkhali mission dang dang a houbung lamkai ho jong ahung pang un achung uva kipa thu akisei je. Houbung lamkai khat ahijallu va itilam dolla alamkai dingu ham ti kihil na aneinao va hin mission board jong agakilhan Rev. Henjalen Dounge Mission secretary jong tilkhon na thusai jin apang in Seminar lolhing tah in anakichai jin ahi.

PRAYER ALERT

1. Indonesia gamma Houin bomb kilhah khum jeh in chapang thum hi hospital a akijen un adamdoh uva khonung le kichat jeha ahinkhou aboilou nadiu vin taopeh uhte.

2. Malaysia gama Pastor Raymond Koh Keng Joo hi ki-man a aumna mun tuni chana het hilou lai ahin ama hi damsella mudoh a aum thei nadin taonan gel doh u hitin chule ama tabang pastor dang ho jong Christa hinna thu asei nao va ahoi jing nadiu vin tao ute.

Christian kisuhgenthei na sangpen gam taona a gel doh jing dia dei umho.

Open doors World watch list mudoh dungjui jin India hi Christian kisuhgenthei na lama akhang tou penin aume. 2014 kum chun vannoija Christian kisuhgenthei na list a 28 chana anahin, 2015 kumin 21 chana ahung hin 2016 kumin 15 chana ahung hitai. Chule hiche kisuhgenthei na hi chal jing ding in tahsan aume. Hijeh chun ichenna India a kivaiahomna lamkai ho din taojing u hitin chule tahsan chate thichanna pang jou jing din taokop jing hite.

1. North Korea

Vannoi leiset a Christian kisuh gim napen chu North Korea hi akhat na ahijing e. Hiche gama hi Government miho, inheng inkom, aji le achate lah jenga jong christian kahi tingam lou va kisel guh a pathen hou tam pi umna gam ahi. Muntina avesui um jeh in Christian tamtah mitsinga taongam lou, mithah puma bou tao ahiuve. Lungmong taha Pathen lasah ging kiti le Thusei kiti hi pum hia hithei lou jeng ahi. Tua gamsung vaihoma pang dictator Kim Jong insung miten ahou u pathen chu gamsung mipe te jousen ahoutei teiding ti ahi. Hiche bol nom lou ho chu kisugen thei ja thina chan a gotna kipe ahi. Christian insung

tampi hiche gama hi insung mi abona genthei taha na kitohsah, kivo, an kingolsah chule kithat gam hel ahi. Thoh lal jeha jamdoh go koi tabang akimat doh le kithat ham ahilou le hinkho a jail a kihen ji ahi.

2. Somalia:

Hiche gamhi 1993 kuma pat Christian kisuhgenthei na hung khoh se ahi. Hiche gam hi Islamic ho hatna gam ahin, koitabang Christian a hung lut aum akihet doh leh suhgenthei na le kitha nan ajui jeng ahi. Koitabang Islam hou adalha tai tia ginmona mai mai anei khah u jong le ama chu mipi masang a suhgenthei na jatchom chom kipe a thina chan gotna kipe jeng thei kivaihom na gam ahi.

3. Afghanistan:

Afghanistan hi gamkhangtou lou ahin thinglhang chena cheng aheove. Islam hou dalhah kiti hi nampumpi joulhepna a alahu ahi. Christianity a hunglut khat chu akihetdoh leh mingolho kikoina hospital a kikoiji ahi, ajeh chu amaho geldana lungthim ching taha hing ho chun Islam adalhah nailou ahi atiu ahi. Tahsana Tuilut kiti hi thina chan got napeh thei chonsetna a alah u ahi. kum 2016 sun-ga jong chu tahsan jalla mitam pi anakithat ahi. Taliban hon gam-sunga hin kichat umtah in vai ahom un ahi. Hiche gama hin Atah-san a phongdoh ngam lou va Christian hia tampi aume taonan gel doh jing u hite.

Tu tua vannot leisetna Christian kisuhgenthei na lama dinmun sangpenho.



1. North Korea
4. Pakistan
7. Iraq
10. Eritrea

2. Somalia
5. Sudan
8. Iran

3. Afghanistan
6. Syria
9. Yemen

MEN WORK COMMITTEE TOUR LEH SEMINAR LOLHING TAH'A KICHAITA.



25th March 2017 nin KBC Office munna konnin Gambih No.14 jonin Men Work Committee ho akichen, Thingphai Houbung hon Moreh a eina ngah uvin, Myanmar Bike a eihung pouvin nilhah leh ajing jingka in Houin kaikhomna kanei uvin, nomtah in kakimang chauve. 26th vaijin Gamphajol munna eihung thah kit uvin, sun nin Gambih No.14 Pate ho toh Seminar kanei uvin, Gambih No.14 Pastor Limminthang Zou vin conduct abollin chule Rev. Kaikam Chongloi Secretary, Men Department in Seminar paper present abolin, chule Group Discussion jong akineijin lolhing tah in akichaitan ahi. Houbung nga Pate ho 40/50 vellin pan ahung lauvin ahi.

Nilhah in Molcham kajon uvin Houbung mipi ho toh kakimang chauvin ahi. Tuchung Gambih No.14 Pastor pu leh atohkhompi Executive ho chung a kipa thu seijoulou akiphongin, chuleh lhunna gena neh le chah kitup tah le tuitah tah a eibolpeh uva Thingphai leh Molcham Houbung teni chung a kia thu seijoulou akiphongin, Pathenin Gambih No.14 phatthei boh jing taohen, Amen.

Women Column

KUKI BAPTIST CONVENTION, INDIA WOMEN DEPARTMENT

Nute Nikho

14th May, 2017 (Sunday)

Programme

Thupi: “Nu’ manlut dan” (Prov 31:10-31)

Phat vopding	: Nute lamkai khat
Thangvah na La	: Hb La No 198 (<i>Pakai vahchoinan ken lan sange</i>)
Tao ding	: M/D Chairman
Labung	: Women Dept, (LAPI)
Thuphon	: Hb, Secretary phat
Tokhom	: KBC W/Dept, a ding
Alhandoh	: M/E Chairman.
Labung	: BYD
Nute jouse Taopehna	: Pastor / H/Deacon
Thupi	: Speaker
Phatchaina La	: Hb, La No. 506 (<i>Pakaija dia thilpha bol</i>)
Taona mipi chaiding	: Speaker.

Hetsah : 1. Sun Program hi detail in ahung kipe tapon eima eima Houbunga Nuten anopna thei le ahoina thei chan a ikigon diuvn ihung kihet sah uve.

2. Bible kitet na neinom hon Thupia hung kitah lang chang sunga hi ikigon siuvn tiem ihuive.

Taona item ding::

1. 2017 Nute Nikho imuthei jeh uva Pathen thangvah na.
2. Nute hinkho lem hon adalhah u insung mite dinga taona.
3. Nute tohgon ho: (a) Lydia Plot man peh jou theina ding.
(b) Lydia mun a Boarding ahung pilhin theina ding.
(c) Lydia mun a ponkhong Training bol ho a ding.
(d) Lydia mun a mopohna neiho a ding.
4. Women Work Committee ho le Gambih le Houbung ho a Nute lamkai jouse ding.
5. Working Women Hostel a umho dingle mopohna neihoa ding.
6. Children Ministry apilhin theina dingle Child Evangelist nu a ding.

SUHDIH NA

Mihang pipuho Thusim Nina, Aneoloi (Junior) Simgolbu 2, Kum 11 ho simding kiti Sunday School Junior 2/B simmun lekhabu, Siimun 5 na a “Daniel Hinkho Thusim” a apatna a Daniel kitina Paragraph a Daniel chu, “David le Abigail (Carmel khoa numeinu) cha ahi (I Chr. 1:3)” kiti khu hilouding joh (adih lou) ahi. Bible a hin Daniel tia kiminvo michom chom aumin, khat chu 1Chronicles 3:1 a kisei David le Abigail chapa ahin, khat chu Ezra 8:2 na a kisei Ithamar chapa ahin, khat chu hiche simmun a Daniel kitpa hi ahi. Hiche Daniel hi Bible a anu le apa min akiseidoh poi. Lekhabu dang dang le thu dang dang kikholna a jong khat le ni in thusim chedol a kona ama ginchat don chom chom aseiyu tilouvin hiche Daniel kitipa hi anu le apa hiche mong ahi, tia kicheh tah a seidohna aumpoi. Sunday School Teachers Training laiya jilkung hon anasuh tah maitheiyu ahin, anasuh dih khah louvu jongle hiche lekhabu choi class a jilkungho hiche simmun chisa hon jong inathah suh dih’uva, achailou lai hon jong hiche simmun hi ipah tengule akisei banga hi ina suhdih diuvin temna ahung kineiyin ahi.

ESSAY WRITING

COMPETITION

64th KBC General Assembly, Centre Church, New Lambulane, Imphal a kiphatsahna (Res. No 10:64:2017: Literature and Publication Recommendation No 5) dungjuia tukum (2017) a Literary Meet a dinga KBC a Literature lama khantou machal bena ding thulam toh kisaiya Essay Writing Competition a pan lanom ho jousen KBC Office a Literature Secretary koma dangka somnga (Rs. 50/-) peh a Enrolement Form kilah thei ahitai. Hiche form kilah thei ding le hiche Competition a pang thei dingho chu Senior 2 class a pangho le Pilhing class a pangho bou hiding ahi. Hiche thu (Essay) jihna a kimag ding pao chu ‘Thadou-Kuki’ pao hiding ahi. Kitetna ding thu-pi (Topic/title) le ajih ding dan achen achai ho chu Enrolment Form a kipeding ahin, hiche form chu nakilah tengule nahetdiu ahitai.

PILHING

SUNDAY SCHOOL
LEKHABU

Houbung mite ho akum akuma Sunday School lam ihingelkhoh jep jep'u to lhona Sunday School lekhabu choh a jong ihung lunglut jep jep tah jeh un Pakai min pachatna, lunglhaina le kipa thu sangtah ahung kiseiye. Hijeh chun tukuma Pilhing Simmun lekhabu lh-ingset dinga kingaitoa anakitat doh jat chu inakichoh khop tapouvin, avaigei jep ho anachang jou tapouvin, phamo akisalheh jengin ahi. Tabe loichal jeng dinga akigot kit vangin Ecnomic bolckade jeh a Press a Paper ahunglhun thei tahlou jeh in phat sotpi anakikhonagi den khatan, phamo akisalheh jenge. Pilhing Simmun Jilkung Kithopi (Teacher's Guide) jong chu chutima ahi. Tuhin Economic Blockade ahung kihon a Paper ahunglhun tah jeh in akitah tai. Pilhing simmun lekhabu hi tamtah kitat talou ahin, KBC Book Room a kona nahung kichoh loi louva navaigei kit le nachanphah kit louding ahitai. Jilkung Kithopi (Teacher's Guide) pa vang hi angaicha ten ten jilkung hon Literature secretary pa koma nahung kichoh diu ahi.

CHRISTIAN EDUCATION BOARD

KIPA THUPHON



Pathen lungset jal in KBC Pakai lenggam natohna ah imachaljin-gun, kum tohgonho lah a 64th KBC Annual Assembly C/C New Lambulane a Edn Board Recommendation eiphatsahpehnao bangin March 28, 2017 ni 11:30am in KBC Houbung ho'a Theolgy simlai achaiding ho mi 9(ko) Scholarship hopdoh pehna kin lolhing tah in akimang e. Apply hinbol mi tampi lah a Criteria in ato dungjuija kilhengdoh mi 9 ho hi Fund in ato dungjuijin Rs 10,000/-(Rupees Ten thousand) cheh akipeuvin ahi. Hiche kin'a kimanchahna ah Edn Secy. pu'n conduct abol in, Board Chairman pu'n Lemna thu aseijin, General Secy. pu'n tilkhouna leh Thilpeh ho pehdohna amangin ahi. Scholarship saang(achang) hon KBC Houbung ho chung a akipanao thuphon houlimna chomcha cha'n amangcheh uvin, General Secy. Pu Rev N. Ha-okip in Vaang thumpehna taona in phat akhumkha in ahi.

Hiche Scholarship ihop uhi Houbungtin in New year Offering ihin thah hou kisokhom'a kipe ahin, applicant hi atam kum alhom kum jong aumtheijin ahi. Tuni chan'a ahin houbung lhomcha'n bou ahinthah nalaijin, ahin thah loulai Houbung tampi i-umnal-aijuve. Lungset tah in aphant hom in hinthah cheh leuhen kipa umlkeh inte. Chule Scholarship thumding dan hi ana kichepi sangai banga Candidate ho Pettition(Pettition to Edn Secy. KBC),

Last Exam Marksheet, umna Houbung Recommendation hicheng hi KBC Office a Education Secy. kom'a November kichai mangeija submit tei ngai ding ahi. 1st Week Dec. sunga Edn Board in vetch-ilna aneiding, KBC Assembly leh approval alah diu ahi.

Phat kipesunga pelut manlou ho khonunga kiboipi theitalou ding ahi. Serampore leh ATA a Accredited College a simho, Final Year simlai, Second Year a 2nd Divn leh achunglam hin mujou ho bou kipeji ahi tihi sumil poute. Hiche a criteria kipehna a lhingjou lou honvang hin kisah boipi dau leh ti hi ikihetsah u ahi.

Kakipah e.

Pathen in KBC phat thei bohjing taken.

Pakaija natoh khompiu;

Rev. Onthang Haokip

Secretary, Christian Edn. Board, KBC

Music Master pa Bachelor of Music simding vailhahna



Gl. Haoneo Baite Music Master KBC, Music langa aban simbe dinga nisim 4 April 2017 nia ache tah ding jeh in KBC Office a General Secretary pan Pathen thua tilkhouna le taopehna aneijin, atoh khom pi Office staff ho toh kivailhah na chadon khom na akineijin ahi. Pathen in akal son na dinga hin lhonpi jing hen lang Training phatah a ahinchai theina dingin itaonaova geldoh jing ute

DOCTORATE DEGREE MUNA CHUNG A KIPAPINA



Dr. Ngamkhokhai Mate
S/o Ngultoh Mate
ECONOMICS



Dr. Janglenkap Haokip
S/o Lamlet Haokip
RURAL DEVELOPMENT

Dr. Ngamkhokhai Mate S/O, Pu Ngultoh Mate Tei-jang Baptist Church, KBC No.12. a cheng tutua C/C Tuibuong a um in Economics Subject Ph.D. ahin mun chule

Dr. Janglenkap Haokip S/O Pu Lamlet Haokip, C/C Chassad KBC No.17 vangkhoea cheng tutua C/C Tuibuong mun a umin Rural Development a Ph.D. ahinmuna chung lhonna kipapina sangtah ahung kineije. Pathenin amalam lhon na mapui jing lhon taken.

DEVELOPMENT

Henkholen Kipgen, Development Coordinator, KBC.

Ph:8730816545

Samaritan Multi-Purpose Cooperative Society Limited(SMPCSL)

Undertaking of KBC Development.

Origin: KBC Development Committee in phat masa a ana kigel jing Samaritan Multi-Purpose Cooperative Society Limited(SMPCSL) chu 1st April 2016 nikho in 63rd KBC General Assembly phatsah na dungjui in ana kiphut doh in. Committee in akiphutdoh SMPCSL ahina bangtah'a achethei nading'in Pu Haothang Haokip, Director, Agape Cooperative Society Limited Undertaking of Evangelical Baptist Convention toh lunggil tah'in framework akisem khom in, ama akon'in manlutah resource tampi aki mube in ahi.

Objective of SMPCSL: SMPCSL aki phudoh lona pipen chu KBC Members jousen sumle pai angaichat dungjui'a bailam tah'a peh ding, inchen semhoina/khantou nalam a Cooperative Principles to kitoh'a kitho pina peh ding, Members jouse Saving lang'a pui khang ding, Loan interest nemcha'a (1.5%) Members ho peh ding. koi hileh KBC member ahileh Shareholder a pangthei ahi. angaichat dungjui in Loan akihom'in chule Deposit jong 12% per Annum in akigong e.

Shareholder: KBC Membership neihon Shareholder a pangthei chule Houbung jong pangthei ahi, Shareholder hi nadin Rs/- 5000 deposit angaijin, mikhat in shareholder nga(five) chan gei panthei ahi.

Benefit of Shareholder: Shareholder jousen annual audit(April) joule Dividen(interest 12% Per Annum) aki lah doh thei ahilouleh a dividen ladoh lou'a investment a akikoi jom jing thei. Shareholder neihon bou angaichat dungjui'a loan facilities amuthei ahi.

One Year Achievement(April 2016-March 2017): Kum khat sung in Shareholder 105 alhing in, Mi 58 in angaichat dungjui'in Loan akilah uvin. 17 Lakhs Deposit a ahung lut in, Loan 25 Lakhs akihom doh e.

Vision: Kum nga(five Years) sung a Shareholder 600 lhin sah ding, Deposit ahung tam thei nadin'a campaign/awareness hoitah'a neiding. kum nga sung'a one crore mutei nading a pan nasatah a lah-ding. Shareholder jouse jong financial benefit kumseh'a semhoi peh cheh cheh ding. KBC sung'a koitabang in kintah'a sum ngaicha aum-leh process saolou'a loan peh ding.

59 LHIN NA KBC NIKHO KIMANG



Pathenin atundoh Kuki Baptist Convention hi ahung machal jing to lhon nin March 16, 2017(Thursday) nikhon 59th lhina chu KBC office mun'a ana kimang in ahi. Hiche kin kiman na a KBC pon lap khaidoh na chu Pu Lhunthang Kipgen Vice-President KBC in amangin, Rev. Dr. Halwngam Haokip President KBC akon nin thupi aki ngai jin ahi. KBC Central Choir, Head Quarter Fellowship Choir le Pastor Choir ho akon nin Pathen vahchoina lasah akingai jin lolhing tah in 59th KBC anniversary chu ana kimange.

Pathen nin Kuki Baptist Convention phatthei boh henlang, alenggam natoh na dingin mang cha jing taken.

Rev. Ngamjapao Haokip
General Secretary
Kuki Baptist Convention

CENTRE CHURCH, LAMPHEL

KUMTHUM LHINNA MAICHAM SEM LOLHINGTAH'A KICHAITA.



Pakai Pathen mapuina jallin KBC Centre Church, Lamphel nisim 30th March, 2014 nikho a Pathenin Convention lamkai ho ana manchah a ana kitungdoh chu, Nisim 26th March, 2017 nikho in kumthum lhinna Maicham sem lolhingtah in ana kimangin ahi. Hiche nikhoa hetthei dinga pan ana la ho:

- * *Maicham Thempu* : Rev. Dr. Hawlingam Haokip, President, KBC
- * *Speaker* : Rev. Ngamjapao Haokip, Gen. Secy, KBC.
- * *Thupi* : "Pakai chu Kapon lap ahi" Exodus 17:15
- * *Artist* : Ng. Jenny Touthang & Ng. Thethem Haokip
- * *Lapi sahna* : Church Choir

Hiche nikhoa Houbung ngailutna jall'a hung kalsong, Convention lamkaiho, Gambih leh Department lamkaiho, sah le lhangahung kalsong ho jouse chungah Houbung miten kipathu akiphongin ahi. Programme kichaijin, kipana Ankong mipin akisoh khomin ahi.

Nilhah in jong kipa nikho ahitoh kilhonin, Artist phabep a konin Pathen vahchoila ngailahna akinei toh Ihonin, Gl. Thangkho-chon (Chochon) Haokip DSP (OPS) Imphal West Guest a akikou toh Ihonin, "Education" Topic mangchan, khangthahte tilkhouna aneiin, chuleh Rev. Paojangam Haokip, Gambih Pastor in jong Houbung mite tilkhouna aneitoh Ihonin, Houbung mipite jong kipana leh thanopna neipumin kingon lolhing tah in ana kichaijin ahi. Nilhah Programme a Houbung ngailutna neija pan hung laho chungah jong kipathu akiseijin ahi.

Hatchungnung Pathenin KBC Centre Church, Lamphel phatthei boh jing taken.

Pastor Seiminlen Haokip
C/C Lamphel, Imphal.

Gambih No. 2 Nute An ngol Taokhom na lolhing tah akichaita.

Achesa nisim 24th March, 2017 Friday nikho hin KBC Gambih No. 2 Nute An ngol taona Semol B/Church ana kineijin Gambih sung a konin Nute tomngai tah tah in kenglama hung loi, Gari reserved hinbol a hungloi agomin mi 270 vel akikhom doh in Thupi "Atah tah a tao te henga Pakai anaije." (Ps 145:18-19). Speaker Ng, Lhingjanem Haokip, Women Secretary, KBC ahin, mipi taokhom na Jingkah 8:00 am - 02:00pm chan Pathen henga taona to Vahchoi na sah nan achom asao heman lou khop in kiman chah akineijin Pathen thangvah aume. Chuleh Programme kichaijin Khonei Houbung miten ahung kikhom jouse Pakai minin Ankong eisempeh un Khonei Houbung mite chung a Pakai minin kipa thu kahin phonguve. Pathenin phat thei boh jing tao hen.

Kakipah uve.

Pakaija nasopiu.

Ni Munneikim Haokip

Ni Tinnu Baite

W/Chairperson, No. 2

W/Secy, KBC No. 2

Keithelmanbi Solam Baptist Church Nute kiphudoh 52th chan na lolhing tah kichaita.

30th March, 1965 kum a anakiphut doh Keithelmanbi Salam Baptist Church, Nute kiloi khom na kum 52 chan na chu achesa nisim 30th March, 2017 nikhon akimangin. Thupi: "Pathen lam'a Christa gimnam-tui kahiuve" (II Corth 2:15) Speaker Ng, Lhingjanem Haokip, Women Secretary, KBC hina in nomtah in aki kimangin, Hiche Function chun Houbung sung mi mama kipa na jallin, Jingun: Nu Kimbem, Jin-Ja am Nu Khupneichong, Kin neinu Nu Lhingboi amaho cheng hi akikouvin Sun Programme lolhing tah in akichai theijin chuleh Nilhah Programme jong Song Service in Lasa them chom chom, adeh a Zaitthem kibol na a Gambih sunga Top ten holah ana pangho akikouvin jan Programme jong nomtah le lolhing tah in akichai thei tan Pathen thangvah aume.

Pakaija nasopiu.

Ni Hoinu Kipgen

Ni Kikim Kipgen

W/Chairperson,

W/Secretary



*Gamphajol Baptist Church, KBC Gambih 14 mun a Men Dept. Seminar
Date 26 March a ana kibolna.*



*Keithelmonbi Baptist Church mun a Nute kiphudoh nikho 30 March nikhon
ana mang uvin Women Secretary Nu Miss Lhingjanem Haokip
in houlinna le tikhouna phot amang e.*



*Shalom Baptist Church mun a Gambih No. 2 Nute Anngoi taokhomna
lohing tah a ana mennau ehl.*



*Shalom Bible College a Spring Semester chelhahlai
Lamkai phabep in visit aga bolnao*

Post Regd. MNP/81
Regd No. 18134/88



*March 13 a ana kipan Shalom Bible College Course Spring Semester
Class anelpet u ahin April 9 leh kikhumkha ding ahitai.*



If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173